

堂駐雲埠
總辦事處
通告

爲通告事照得上海五祖祠爲我海外洪人建設之機關既爲先烈憑式之所亦昆仲駐足之地故該祠之興替與洪人有密切之關係若欲其興也必當各盡厥責繳納經費使該祠經費充裕庶可以維持於永久而卓立於不敗之地也本處現據上海五祖祠趙總理報告近年各埠致公堂對於該祠經費多所忽畧因此滙款接濟者寥寥無幾以致該祠經費日促一月勢將難以支持着即轉飭各埠致公堂趕速催收經費以資維持現狀爲此特行通告仰各埠致公堂壹體遵照辦理從速催收早日將款付來本總處以便彙齊滙交該祠應需是爲至要此佈

中華民國拾八年五月